



BULETINI I ZYRËS SË KRYEPROKURORIT TË SHTETIT

SHTATOR 2024

BULETINI I ZYRËS SË KRYEPROKURORIT TË SHETIT

SHTATOR 2024

Në edicionin e këtij Buletini pasqyrohen aktivitetet e ZKPSH-së për muajin SHTATOR 2024

U.D. Kryeprokurori i Shtetit mori pjesë në ceremoninë e përrimit të objektit të ri të Gjykatës Themelore në Gjakovë

Gjakovë, 10 Shtator 2024 – Ushtruesi i Detyrës së Kryeprokurorit të Shtetit, z. Besim Kelmendi, gjatë ditës së sotme ka marrë pjesë në ceremoninë e përrimit të objektit të ri të Gjykatës Themelore në Gjakovë.

Gjatë fjalës së tij, U.D. Kryeprokurori Kelmendi, ka theksuar se kjo gjykatë tashmë do të ketë shërbime më të mira dhe efikase, njëkohësisht puna e mirë që do të bëhet në këtë objekt do të jetë një e arritur e gjithë sistemit gjyqësor dhe do të mundësoj qasje me të lehtë të qytetarëve në drejtësi.



Gjithashtu, U.D. Kryeprokurori i Shtetit ka deklaruar ky objekt do të lehtësoj edhe punën e përditshme të prokurorëve të cilët marrin pjesë në seanca gjyqësore për shkak të distancës së afërt që ka me Prokurorinë Themelore në Gjakovë.

Në këtë ceremoni të organizuar nga Këshilli Gjyqësor i Kosovës (KGJK), kanë marrë pjesë drejtues të institucioneve nga sistemi prokurorial dhe ai gjyqësor, udhëheqës të komunave territorin e të cilave e mbulon kjo gjykatë dhe partnerët ndërkombëtarë.

Mbahet takim për hartimin e draftit të Planit strategjik të sistemit prokurorial 2025-2027

Prishtinë, 19 shtator 2024 – Në kuadër të hartimit të Planit strategjik të sistemit prokurorial 2025-2027, sot është mbajtur takimi i parë dyditor i Grupit punues për hartimin e këtij plani, i kryesuar nga Zëvendëskryesuesja e Këshillit

Prokurorial të Kosovës, znj. Jehona Grantolli, me mbështetje të OSBE-së.



Në këtë takim janë duke marrë pjesë Kryesuesi i KPK-së, z. Ardian Hajdaraj, Ushtruesi i Detyrës së Kryeprokurorit të Shtetit, z. Besim Kelmendi, anëtarë të KPK-së, kryeprokurorë, prokurorë të Zyrës së Kryeprokurorit të Shtetit, Drejtori i SKPK-së dhe përfaqësuesit e Ambasadës Amerikane dhe Zyrës së BE-së.

Fillimisht, gjatë zhvillimit të sesionit të parë të këtij takimi, u prezantua raporti për zbatimin e Planit Strategjik 2024-2026, me ç'rast u nënvizuan të arriturat dhe sfidat e kësaj periudhe.

Përgjatë takimit, anëtarët e Grupit punes analizuan gjendjen aktuale të sistemit prokurorial krahas shtyllave dhe objektivave të planit paraprak, si dhe bazuar në këto diskutime është trajtuar metodologjia e punës, e cila do të përdoret për hartimin e këtij plani.



Ndër të tjera, udhëheqësja e Grupit punes, Zëvendëskryesuesja e KPK-së, znj. Jehona Grantolli, theksoi rëndësinë e planifikimit strategjik, si udhërrëfyes dhe themel i qëndrueshëm për arritjen e objektivave të sistemit prokurorial dhe përmbushjen e mandatit

kushtetues dhe ligjor. “Një nga hapat kyç do të jetë identifikimi i fushave prioritare ku mund të përmirësojmë shërbimet tona, të rrisim profesionalizmin dhe të garantojmë një sistem prokurorial të pavarur dhe të drejtë”, tha zonja Grantolli.

Gjatë diskutimeve u theksua nevoja e trajtimit të duhur të objektivave të këtij plani, përfshirë avancimin dhe përmirësimin e procedurave dhe proceseve për të siguruar që çështjet të trajtohen shpejt dhe me cilësi, forcimi i mekanizmave të transparencës për të rritur besimin e publikut në sistemin prokurorial, ofrimi i trajnimeve specifike për prokurorët për të përmirësuar kapacitetet profesionale, nxitja e bashkëpunimit me institucionet e tjera për të adresuar çështje komplekse dhe për të përmirësuar koordinimin me partnerët ndërkombëtarë, rritja e kapaciteteve për të identifikuar dhe ndjekur penalisht rastet e korrupsionit dhe krimin të organizuar, si dhe përdorimi i teknologjisë për të përmirësuar menaxhimin e informacionit dhe efikasitetin në punë dhe çështje të tjera.

Takimi do të vazhdojë edhe gjatë ditës së nesërme.

U.D. Kryeprokurori i Shtetit po merr pjesë në një konferencë rajonale me temë: “Efektshmëria e gjyqësorit në gjykimin e krimin të organizuar dhe korrupsionit në Ballkanin Perëndimor”

Budvë, 27 shtator 2024 – Në kuadër të shkëmbimit të përvojave të sistemeve rajonale të drejtësisë, Ushtruesi i Detyrës së Kryeprokurorit të Shtetit, z. Besim Kelmendi, së bashku me Kryesuesin e Këshillit Prokurorial të Kosovës, z. Ardian Hajdaraj, dhe Zëvendëskryeprokurorin e Prokurorisë Speciale, z. Valdet Gashi, po marrin pjesë në Konferencën rajonale “Efektshmëria e gjyqësorit në gjykimin e krimin të organizuar dhe korrupsionit në Ballkanin Perëndimor”.

Qëllimi i organizmit të kësaj konference, si pjesë e projektit rajonal të OSBE-së për monitorimin e proceseve gjyqësore në luftën kundër krimin të organizuar dhe korrupsionit në Ballkanin Perëndimor, është diskutimi për çështjet e

përbashkëta të ndjekjes dhe gjyqimit të krimit të organizuar dhe korrupsionit.



Gjatë fjalës së tij, U.D. Kryeprokurori Kelmendi ka mbajtur prezantim lidhur me rastet e shenjësuara – saktësisht priritizimi dhe procesimi i rasteve të korrupsionit dhe krimit të organizuar të profilit të lartë, ku ka shpalosur më në detaje funksionimin e mekanizmit për shenjëstrimin e rasteve, mënyrën e përzgjedhjes së tyre, bashkëpunimin, rezultatet dhe sukseset e ekipit të përbashkët për këto raste, si dhe ka prezantuar disa raste konkrete të shenjesutara nga Prokuroria Speciale.



Në këtë konferencë, që mbahet në Budvë të Mal të Zi, nën organizimin e OSBE-së, përveç përfaqësuesve të sistemit të drejtësisë nga Kosova, po marrin pjesë edhe përfaqësues nga Shqipëria, Bosnja dhe Hercegovina, Mali i Zi,

Maqedonia e Veriut, Serbia dhe Bashkimi Evropian.

Diskutohet forcimi i bashkëpunimit ndërmjet Prokurorit të Shtetit dhe Policisë së Kosovës

Prishtinë, 30 shtator 2024 – Ushtruesi i Detyrës së Kryeprokurorit të Shtetit, z. Besim Kelmendi, ka mbajtur kolegjiun e rregullt me të gjithë kryeprokurorët e prokurorive të vendit, përfaqësues të prokurorive dhe prokurorët e Zyrës së Kryeprokurorit të Shtetit, ku kanë marrë pjesë edhe përfaqësuesit e Ambasadës së SHBA-së në Kosovë.



Në këtë takim me ftesë të U.D. Kryeprokurorit Kelmendi morën pjesë edhe përfaqësuesit e Policisë së Kosovës, respektivisht zëvendës drejtor i Policisë, z. Fehmi Hoti dhe Drejtori i Divizionit të Hetimeve të Krimit, z. Fatos Makolli.

Gjatë këtij takimi u diskutua lidhur me koordinimin dhe bashkëpunimin në ndërmarrjen e veprimeve të përbashkëta në mes Prokurorit të Shtetit dhe Policisë së Kosovës.

Nga të pranishmit u vlerësua pozitivisht niveli i deritanishëm i bashkëpunimit dhe ndërveprimit institucional, si dhe u potencua se ky bashkëpunim duhet avancuar tutje, me qëllim të rritjes së efikasitetit dhe efektivitetit të hetimit e veprave penale.



Në fund të takimit të pranishmit u pajtuan që të ketë takime të rregullta në mes të krerëve të dy institucioneve Prokurorit të Shtetit dhe Policisë së Kosovës.